

紀念劉輝泗·劉莊先生

劉輝泗先生事略

夏 湘 蓉

劉君輝泗，江西南昌人，民國二十一年夏畢業於江西省立第二中學，旋入國立清華大學地質系肄業，專攻地質，從袁復、馮景蘭、孫雲鑄、張席禔諸教授遊，同級習地質學者有熊秉信、孟昭彝兩君。君素行勤儉，好學不倦，為師友所重，二十五年夏，君受理學士學位，入江西省地質調查所服務，是年冬君調查臨川崇仁南城資谿等縣地質，於翌年一月十五日，旅次資谿之嵩市，遇匪來襲，同輩涂君慎微被擄殉職，君竟夕伏荆棘中，以慎靜得免，戚友交均為之額手稱慶。

二十六年七七事變，平津淪陷，余逃難回贛，君乃邀余共事，多年知交因又獲朝夕相處。是年十二月初君偕陳國達君調查貢水流域地質，因對於贛南地層時代之分割，多所貢獻。

二十七年本所開始測製全省二十萬分之一分幅地質圖，五年來所完成之十四幅，就中半數出君手。猶憶二十七年夏秋之交贛北告急，本所已由南昌遷泰和，時餘千萬年幅尚未測竣，君冒險前往，達成任務，其勇毅果敢之精神，深為前所長尹贊勳先生所嘉許。

君近年來之工作，多在贛東北一帶。二十年冬君與余合作調查樂安江流域地質。二十八年秋君獨力調查玉山貴谿間地質

：歷時三月，頗多創獲。二十九年夏君在重慶平泉部同包鎮，並擬具採煉計劃，是年君又兼任經濟部探金局江西省金礦探勘隊工程師，秋間在樂安江流域指導金礦探勘工程卓著勞績。三十年夏，君再度赴樂平襄理金礦探勘事宜。至三十一年一月君被任爲樂安江採金廠廠長，時該廠成立伊始，君不辭勞瘁，學劍恭詳，迄秋，君丁內艱返秦，因之數月未出，潛心撰著，並經理本所礦工合作社事務，開闢菜園，採辦貨物，慘澹經營，辛勞備至，全所同人，咸受其惠。

三十二年一月：君升任本所技正，並準備於春間借章人陵君出發調查鄂安遠一帶地質。二月初旬，君偶患燒熱，就面醫診視，謂係流行感冒，返寓後服藥靜臥，友人熊功鄉君爲之逐日檢驗體溫，因見熱度漸減，顯有起色，遂不疑有其他，君亦自信其疾將瘳，無意視診。不料旬日後體溫漸增，情知嚴重，乃於二月二十五日重赴章人陵醫院就醫，經驗血後，斷爲傷寒，當即住院治療，友好逐日前往探視，君言談自若，經過良好，並時以工作爲念。詎意於三月一日晨一時許，病勢突變，腸出血不止，經醫注射止血及安定劑，救治無效，是日清晨，友好咸集病榻前，其時君尙能略述病情神志清爽，惟體力已感不支，延至午刻，竟與世長辭。

君生於民國二年農曆三月三日，得年三十有一歲，已訂婚，未娶；父母雙故，無兄弟，姊孀獨，客居敘永。君爲人性爽直，富有信心，重然諾，見義勇爲。余與君有感誼，爲惺角交，幼同私塾小學，長同中學大學，日後同系同享，念餘年來，情同手足，原期盟訂終生，豈意中途永訣，今披覽述君之生平事略，伏案嗚咽，不知涕淚之何從，悲夫！